



05791

才調集卷第九



穀集

古律雜歌詩一百首

劉商一首

秋夜聽嚴紳巴童唱竹枝歌

默云直敘起

巴人遠從荆江客。回首荆山楚雲隔。思歸夜唱竹枝歌。庭槐葉落秋風多。曲中歷歷敘鄉思。鄉思綿綿楚詞古。身騎吳牛不畏虎。手提篋笠欺風雨。猿

二首

才調集卷第九

垂雲堂

啼日暮江岸邊。綠林連山水連天。來時十三今十五。一成新衣已再補。鴻鴈南飛報鄰伍。在家歡樂辭家苦。天晴露白鐘漏遲。淚痕滿面看竹枝。曲終寒竹風裏裏。西方月落東方曉。月宋本作日

長孫佐輔二首

尋山家

獨訪山家歇。還涉茅屋斜。連隔松葉。主人聞語未開門。繞籬野菜飛黃蝶。

南中客舍對雨送故人歸北

猿聲啾啾鴈聲苦。卷簾相對愁不語。幾年客吳君。
默云客舍送人在楚況送君歸。我猶阻家書。作得不忍封。北風吹
斷階前雨。

朱倣二首

秣陵送客入京

秣陵春已至。君去學歸鴻。綠水琴聲切。青袍草色
同。鳥喧金谷樹。花滿夕陽宮。日日相思處。
默云秣陵江邊楊

柳風

才調集卷第九

二

垂雲堂

江上送別

默云江上別浦邊新見柳。搖時比客相逢。只自悲惆悵。空知思
後會。艱難不敢料。前期行看漢月愁。征戰共折江
上花。怨別離。向夕孤城分首處。寂寥橫笛為君吹。

王表二首

清明日登城春望寄大夫使君

春城開望愛晴天。何處風光不眼前。寒食花開千
默云登城春望

樹。雪。清。明。日。出。萬。家。煙。興。來。促。席。唯。同。舍。醉。後。狂。
歌。盡。少。年。聞。說。鶯。啼。却。惆。悵。詩。成。不。見。謝。臨。川。

默云春

寄

成德樂

趙女乘春上畫樓。一聲歌發滿城秋。無端更唱關山曲。不是征人亦淚流。

張安石二首

玉女詞

綺薦銀屏空積塵。柳眉桃臉暗銷春。不須更學陽

詞十三

才調集卷第九

三

華雲堂

臺女爲雨爲雲。趁惱人。

苦別

向。前。不。信。別。離。苦。而。今。自。到。別。離。處。兩。行。粉。淚。紅。
闌。干。一。朶。芙。蕖。帶。殘。露。

默云妙在如此而止

張諤一首

還京

默云還京起

朱紱臨秦望。皇華赴洛橋。文章南渡越。書奏北歸朝。
樹。入。江。雲。盡。城。銜。海。月。遙。秋。風。將。客。思。川。上。晚。

純云名向

蕭蕭。

于瀆三首

古宴曲

雉扇合蓬萊。朝車回紫陌。重門集嘶馬。言宴金張宅。燕娥奉卮酒。低鬟若無力。十戶手胼胝。鳳凰釵一隻。高樓齊下視。日照羅衣色。笑指負薪人。不信生中國。

思歸引

卷九

李調集卷第九

四

垂雲堂

不耕南畝田。為愛東堂桂。身同樹上花。一落又經歲。交親日相薄。知已恩潛替。日開十二門。自是無歸計。

苦辛吟

壠上扶犁兒。手種腹長飢。窗下擲梭女。手織身無衣。我願燕趙姝。化為嫫母姿。一笑不直錢。自然家國肥。

胡曾九首

寒食都門作

默庵云中二絕

俱從寓目生下

二年寒食住京華。寓目春風萬萬家。金絡馬銜原上草。玉顏人折路傍花。軒車竟出紅塵外。冠蓋爭回白日斜。誰念都門兩行淚。故園寥落在長沙。

薄命妾

鈍吟云七言

律作樂府

阿嬌初失漢皇恩。舊賜羅衣亦罷熏。欹枕夜悲金

注卷九

才調集卷第九

五

垂雲堂

屋雨卷簾朝泣玉。樓雲宮前葉落鴛鴦瓦。架上塵生翡翠裙。龍騎不巡時漸久。長門空掩綠苔紋。

獨不見

玉關一自有氛埃。年少從軍竟未回。門外塵凝張樂榭。水邊香滅按歌臺。窗殘月夜人何處。簾捲春風燕復來。萬里寂寥音信絕。寸心爭忍不成灰。

交河塞下曲

交河冰薄日遲遲。漢將思家感別離。塞北草生蘇

武泣隴西雲起李陵悲曉侵雉堞烏先覺春入關
山鴈獨知何處疲兵心最苦夕陽樓上笛聲時

車遙遙

自從車馬出門朝便入空房守寂寥玉枕夜殘魚
信絕金鈿秋盡鴈書遙臉邊楚雨臨風落頭上春
雲向日銷芳草又衰還不至碧天霜冷轉無憀

早發潛水驛謁郎中負外

默云早發半牀秋月一聲雞萬里行人費馬蹄青野霧銷凝

李注

才調集卷第九

六

垂雲堂

晉洞碧山煙散避秦溪樓臺稍辨烏城外更漏微
聞鶴柱西已是大仙憐後進不應來向武陵迷

默云詞

贈漁者

不愧人間萬戶侯子孫相繼老扁舟往來南越諳
蛟室生長東吳識蜃樓自爲釣竿能遣悶不因萱
草解銷憂羨君獨得逃名趣身外無機任白頭

自嶺下泛鷁到清遠峽作

乘船沈鷁下韶江絕境方知在嶺南薜荔雨餘山

自黛兼葭煙盡島如藍。旦遊蕭帝新松寺。夜宿嫦娥桂影潭。不為篋中書未獻。便來茲地結茅庵。

題周瑜將軍廟

共說前生國步難。山川龍戰血漫漫。交鋒魏帝旌旂退。委質吳王社稷安。庭際雨餘春草長。廟前風起晚花殘。功勳碑碣今何在。不得當時一字看。

質吳花宋本缺

李羣玉二首

同鄭相并歌姬小飲因以贈獻

二首

才調集卷第九

七

七

垂雲堂

鈍吟云不棄又不校最得體

裙拖八幅湘江水。鬢聳巫山一片雲。風格只應天上有。歌聲豈合世間聞。曾前瑞雪燈斜照。眼底桃花酒半醺。不是相如憐賦客。肯教容易見文君。

戲贈姬人賦尖字韻

骰子巡拋裹手拈。無因得見玉纖纖。但知謔道金釵落。圖向人前露指尖。

顧非熊一首

秋日陝州道中作

孤客秋風裏。驅車出陝西。關河午時路。村落一聲

雞。樹勢標秦遠。天形剗岳低。誰知我名姓。來往自

淒淒。

一作
栖栖

袁不約二首

長安夜遊

鳳城連夜九門通。帝女皇妃出漢宮。千乘寶車珠
箔捲。萬條銀燭碧紗籠。歌聲緩過青樓月。香靄潛
來紫陌風。長樂曉鐘歸騎後。遺簪隨珥滿街中。

三十四

才調集卷第九

八

五雲堂

病宮人

默云已見七卷張祐

佳人臥病動經秋。簾幕繚繚不挂鈎。四體強扶藤
夾膝。雙鬢慵插玉搔頭。花顏有幸君王問。藥餌無
徵待詔愁。惆悵近來銷瘦盡。淚珠時傍枕函流。

吳商浩八首

巫峽聽猿

巴江猿嘯苦。響入客舟中。孤枕破殘夢。三聲隨曉

風連雲波澹澹和霧雨濛濛巫峽去家遠不堪魂
斷空。

秋塘曉望

默云曉秋
鐘盡踈桐散曙鴉故山煙樹隔天涯西風一夜秋
塘曉零落幾多紅藕花

水樓感事

高柳螢啼雨後秋年光空感淚如流滿湖菱荇東
歸晚閑倚南軒盡日愁

長安春贈友人

默云長安春
繁華堪泣帝城春粉堞青樓勢礙雲花對玉鈎簾
外發歌飄塵土路邊聞幾多遠客魂空斷何處王
孫酒自釀各有歸程千萬里東風時節恨離羣

宿山驛

文戰何堪功未圖又驅羸馬指天衢露華凝夜渚
蓮盡月彩滿輪山驛孤岐路辛勤終日有鄉關音
信隔年無好同范蠡扁舟興高挂一帆歸五湖一

塞上即事

身似星流跡似蓬。玉關孤望杳溟濛。默云即事
寒沙萬里平鋪。月曉角一聲高。繞風戰士歿邊魂尚哭。單于獵
處燒猶紅。分明更想殘宵夢。故國依然到甬東。繞燒宋本缺

北邙山

北邙山草又青青。今日銷魂事可明。綠酒默云原缺來
春未歇。白楊風起柳初晴。岡原旋葬松新長。年代
無人闕。半平堪取金爐九。還藥不能隨夢向浮生。

二五州八

才調集卷第九

十

垂雲堂

泊舟

身逐煙波魂自驚。木蘭舟上一帆輕。雲中有寺在
何處。山底宿時聞磬聲。默云泊舟

梁鐙一首

代征人妻喜夫還

狂夫走馬發漁陽。少婦含嬌開洞房。千日廢臺還
挂鏡。數年空面再新妝。春風喜出今朝戶。明月虛
眠昨夜牀。莫道幽閨還衣摠是舊時香。

賀知章一首

柳枝詞

碧玉裝成一樹高。萬條垂下綠絲絛。不知細葉誰裁出。二月春風是翦刀。

張蠟四首

錢塘夜宴留別郡守

四方騷動一州安。夜列罇壘伴客懽。齋粟調高山閣迴。蝦蟇更促海城寒。屏閒佩響藏歌妓。幕外刀光立。從官沈醉不愁歸。棹遠曉帆吹上子陵灘。

二九十七

錢云調集卷第九

十一

並雲堂

長安春望

點云題

明時不敢臥煙霞。又見秦城換物華。殘雪未銷雙鳳闕。新春已發五侯家。甘貧祇擬長緘酒。忍病猶期強採花。故國別來桑柘盡。十年兵踐海西陲。

敘懷

月裏路從何處上。江邊身合幾時歸。十年九陌寒風夜。夢掃蘆花絮客衣。

點云題

題嘉陵驛

默云驛

嘉陵路惡石和泥。行到長亭日已西。獨倚闌干正
惆悵。海棠花裏鷓鴣啼。

劉象七首

春夜二首

幾處兵戈阻路歧。憶山心切與山違。時難何處披
懷抱。日日斜空醉歸。

一別杜陵歸未期。祇憑魂夢接親知。近來款睡兼

難睡。夜夜深聞子規。

才調集卷第九

十二

垂雲堂

曉登迎春閣

默云曉
未櫛憑欄眺錦城。煙籠萬井二江明。香風滿閣花

盈。樹樹樹梢啼曉鶯。

早春池亭獨遊三首

默云早春
春意送殘臘。春晴融小洲。蒲茸纔簇。柳頰已遮。

樓。便有盃觴興。可攄羈旅愁。鳧鷖亦相狎。盡日戲

清流。

清流環綠篠。清景媚虹橋。默云早春。鶯刷初遷羽。莎拳擬拆

苗。細砂摧煖岸。淑景動和颺。獨遊倍憶同袍侶。相歡倒

一瓢。奉宋本缺

一瓢歡自足。一日興偏多。默云早春。幽意人先賞。踈叢蝶未

過。知音新句苦。窺沼醉顏酡。萬慮從相擬。今朝欲

奈何。

白髭

到處逢人求至藥。幾回染了又成絲。素絲易染顏

二三九

才調集卷第九

十三

垂雲堂

難染墨。翟翬當時合笑髭。

默云笑字妙絲易染可笑髭難染應笑今改哭非

笑宋本作泣

戴司顏二首

江上雨

非不欲前去。此情非自由。星辰照何處。風雨送涼

秋。寒鎖空江夢。聲隨黃葉愁。蕭蕭猶未已。早晚出

蘋洲。

塞上

空蹟畫蒼茫。沙腥古戰場。逢春多霰雪。生計在牛

默云塞上

羊冷角吹鄉淚乾榆落夢床從來山水客誰謂到
漁陽

沈彬一首

秋日

秋含砧杵搗斜陽笛引西風顛氣涼薜荔惹煙籠
蟋蟀芰荷翻雨潑鴛鴦當年酒賤何妨醉今日時
難不易狂腸斷舊遊從一別潘安惆悵滿頭霜

李賀一首

李賀

才調集卷第九

十四

五雲堂

鈍吟云李長吉只一首又是五言

七夕

別浦今朝暗羅帷午夜愁鵲穿線月花入曝衣
樓天上分金鏡人間望玉鈎錢塘蘇小小更值一
年秋

鈍吟云秀聲

嚴維一首

秋夜船行

扁舟時屬暝月上有餘輝海燕秋還去漁人夜不

歸中流何寂寂孤棹也依依點云一點前村火誰家未掩扉

韓翃一首

寒食

春城無處不開花寒食東風御柳斜日暮漢宮傳蠟燭青煙散入五侯家

熊皎一首

早梅

房字

才調集卷第九

十五

聖雲堂

江南近臘時已亞雪中枝一夜欲開盡百花猶未
知人情皆共惜天意不教遲莫訝無濃豔芳筵正
好吹

張喬三首

楊花落

北斗南回春物老紅英落花綠尚早韶風澹蕩無
所依偏惜垂楊作春好此時可憐楊柳花繁盈豔
曳滿人家人家女兒出羅幕淨掃玉除看花落寶

環織手捧更飛翠羽輕裙承不著歷歷瑤琴舞袖
陳飛紅拂黛憐玉人東園桃李芳已歇猶有楊花
嬌暮春

送友人歸宜春

然云歸

落花兼柳絮無處不紛紛遠道空歸去流鶯獨自
聞野橋喧碓水山郭入樓雲故里南陵曲秋期更
送君

送進士許棠

二乃世

才調集卷第九

十六

垂雲堂

離鄉積歲年歸路遠依然夜火山頭市春江樹杪
船干戈愁鬢改瘴癘喜家全何處營甘旨潮濤浸
薄田

陳陶一首

寄兵部任暄郎中

常思劍浦別清塵萱菘花紅十二春崑玉已成廊
廟器澗松猶是薜蘿身雖同橘柚依南土終仰魁
岡近北辰好向昌時薦遺逸莫教千古弔靈均

默云寄

張謂一首

杜侍御送貢物戲贈

銅柱朱崖道路難。伏波橫海舊登壇。越人自貢珊瑚。戲贈
瑚樹漢使何勞。懈多冠疲馬山中愁日晚孤舟江
上畏春寒由來此貨稱難得多恐君王不忍看

鄭常一首

寄常逸人

默云逸

羨君無外事。日與世情違。地僻人難到。溪深鳥自
飛。儒衣荷葉老。野飯藥苗肥。疇昔江湖意。而今憶
共歸。

二分七

默云逸人

才調集卷第九

寄字結又脫

垂雲堂

崔峒一首

題崇福寺禪師院

僧家競何事。掃地與焚香。清磬度山翠。閑雲來竹
房。身心塵外遠。歲月坐中長。向晚禪堂閉。無人空
夕陽。

李洞一首

喜鸞公自蜀歸

禁院閉。生臺尋。師別綠槐。寺高猿看講。鐘動鳥知齋。掃石月盈筵。濾泉花滿篩。歸來逢聖節。吟步上堯階。

李端一首

巫山高

默庵云四十字累累如貫珠冷冷如叩玉初澄開竇而緊之詩體如是

鈍吟云
名作

才調集卷第九

十八

垂雲堂

巫山十二重。皆在碧虛中。迴合雲藏日。霏微雨帶風。猿聲寒度水。樹色暮連空。愁向高唐去。千秋見楚宮。

江爲一首

江行

越信隔年稀。孤舟幾夢歸。月寒花露重。江晚水煙微。峯直帆相望。沙空鳥自飛。何時洞庭上。春雨滿蓑衣。

裴度一首

中書即事

鈍吟云氣兒宏厚

真大人君子之文

有意效承平○無功益聖明○灰心緣忍事○霜鬢為論

兵道直身還○在恩深命轉輕○鹽梅非擬議○葵藿是

平生○白日長懸照○蒼蠅○謾發聲○嵩陽舊田地○終使

謝歸耕

陳上美一首

才調集卷第九

十九

垂雲堂

咸陽有懷

山連河水碧○氛氲瑞氣東○移擁聖君秦○苑有花空

笑○日漢陵無主自侵雲○古槐堤上鷺○千疇遠渚沙

中鷺一羣○賴與淵明同把菊○煙郊西望夕陽曛

姚合七首

遊宜義池亭

春入池亭好○風光煖更鮮○尋芳行不困○逐勝坐還

遷○細草亂如髮○幽禽鳴似弦○苔文翻古篆○石色學

秋天花落能漂酒。萍開解避船。暫來還差疾。久住
合成仙。迸筍搯階起。垂藤壓樹偏。此生應借看自
計買無錢。

遊陽河岸

終日遊山困。今朝始傍河。尋芳愁路盡。逢景畏人
多。鳥語催沽酒。魚來似聽歌。醉時眠石上。肢體自
婆娑。

窮邊詞二首

將軍作鎮古汧州。水膩山春節氣柔。清夜滿城絲
管散。行人不信是邊頭。
箭利弓調四鎮兵。蕃人不敢近東行。沿邊千里渾
無事。唯見平安火入城。

寄王度

顛顛居士顛狂不稱時。天公與貧病時輩復輕
欺。茅屋隨年賃。盤餐逐日移。棄嫌官似夢。珍重酒

鈍吟云詩意縱
放有狂態可愛

默云直起

如師無竹栽蘆看。思山疊石爲靜窗。留客話古寺。
覓僧棋。瘦馬寒來死。羸童餓得癡。唯應尋阮籍。心
事遠相知。

寄王玄伯

夜歸曉出滿衣塵。轉覺才名帶累身。莫覓舊來終
日醉。世間杯酒屬閑人。

聞蟬

未秋吟便苦。半咽半隨風。禪客心應亂。愁人耳願

言五然云開

才調集卷第九

五

垂雲堂

聾雨晴煙樹裏。日晚古城中。遠思應難盡。誰當與
我同。

楊牢一首

贈舍弟

秦雲蜀浪兩堪愁。爾養晨昏我遠憂。千里客心難
寄夢。兩行鄉淚爲君流。早驅風雨知龍聖。餓食魚
蝦覺虎羞。袖裏鎔錡光似水。丈夫不合等閑休。

王昌齡二首

塞上行

秦時明月漢時關。默云大約邊塞之截然為兩界限實始於秦則塞上之月可稱秦時矣原無深意何不可解
萬里長征人未還。但使龍城飛將在不教胡馬渡陰山。

少年行

走馬遠相尋。西樓下夕陰。結交期一劍。留意贈千金。高閣歌聲遠。重關柳色深。夜閑須盡醉。莫負百年心。

于鵠二首

送唐中丞入道

年老功臣乞罷兵。玉階匍匐進雙旌。朱門鴛瓦爲仙觀。白領狐裘出帝城。侍婢休梳官樣髻。閹童新改道家名。到時浸髮春泉裏。猶夢紅樓簫鼓聲。

送宮人入道

十載吹簫入漢宮。看修水殿種芙蓉。自傷白髮辭金屋。喜戴黃冠向雪峯。解語老猿開曉戶。引雛飛

鶴下高松。定知別後宮中伴。遙聽緱山半夜鐘。

陳羽一首

冬晚送友人使西蕃

默云使西蕃

默云冬

驛使向天西。巡羌復入氐。玉關晴有雪。砂磧雨無泥。落淚軍中笛。驚眠塞上雞。逢春鄉思苦。萬里草萋萋。

僧貫休三首

野田黃雀行

卷九

才調集卷第九

三

垂雲堂

高樹風多吹爾巢。落深蒿葉煖。宜爾依泊。莫近鴉類。蛛網亦惡。飲野田之清水。食野田之黃粟。深花中睡。埽土裏浴。如此即全勝。啄太倉之穀。而更穿人屋。

夜夜曲

蟋蟀切切風騷騷。芙蓉噴香蟾蜍高。孤煙耿耿征婦勞。更深撲落金錯刀。

行路難

君不見山高海深人不測。古往今來轉清碧。淺近
輕清莫與交。地卑只解生荆棘。誰道黃金如糞土。
張耳陳餘斷一作香消息。行路難。行路難。君自看。

僧尚顏二首

秋夜吟

梧桐雨。畔夜秋吟。斗藪衣裾。蘚色侵枉道。一生無
擊著。湘南山水別人尋。

贈村公

才調集卷第九

十四

垂雲堂

袖衣木突此鄉尊。白盡鬚眉眼未昏。醉舞神筵隨
鼓笛。閑歌聖代和兒孫。黍苗一頃垂秋日。茅棟三
間映古原也。笑長安名利處。紅塵半是馬蹄翻。

僧護國一首

許州趙使君孩子

毛骨貴天生。肌膚片玉明。見人空解笑。弄物不知
名。國器嗟猶小。門風望益清。抱來芳樹下。時引鳳
雛聲。

僧棲白二首

八月十五夜月

尋常三五夜。豈是不嬋娟。及至中秋半。還勝別夜
鈍云好結。圓清光。凝有露。皓色爽無煙。自古人皆望。年來復

一年。

哭劉得仁

為愛詩名吟到此。風魂雪魄去難招。直教桂子落
墳土。生得一枝冤始銷。

二十七

才調集卷第九

二十五

垂雲堂

僧無可二首

金州陪姚負外遊南池

默云南池。

柳暗清波漲。衝萍復漱苔。張筵白鳥下。掃岸使君
來。洲島秋應沒。荷花晚盡開。高城吹角絕。騶馭尚

徘徊。

鳥宋本作馬。

夏日送田中丞赴蔡州

出守汝南城。應多戀闕情。地遙人久望。風起旆初
行。楚廟繁蟬斷。淮田細雨生。賞心知有處。蔣宅古

松平。

僧清江一首

贈淮西賈兵馬使

破虜功成百戰場。天書親拜漢中郎。映門旌旆春風起。對客弦歌白日長。階下鬪雞花乍折。營南試馬柳初黃。猶來楚蜀多同調。感激逢君共異鄉。

僧法照一首

寄錢郎中

方四

才調集卷第九

二十六

垂雲堂

閉門深樹裏。閑足爲經過。駟馬不爲貴。一僧誰奈何。藥苗家自有。香飯乞時多。寄語嬋娟客。將心向薜蘿。

僧太易二首

贈司空拾遺

默云拾遺

侍臣何事辭雲陛。江上微吟見雪花。望閣未承丹鳳詔。掩門空對楚人家。陳琳草奏才還在。王粲登樓興尚賒。高館更容塵外客。仍令歸路奉瑤華。

宿天柱觀

石室初投宿。仙翁喜暫容。花原隔水見。洞府過山逢。泉湧階前地。雲生戶外峯。中宵自人定。不是欲降龍。

僧惟審一首

賦得聞黃鳥啼

捲簾清夢後。芳樹隱流鶯。隔葉傳春意。穿花送曉聲。未調雲路翼。空負桂林情。莫盡關關興。羈愁正厭生。

百七十五

李詞集卷第九

二十七

垂雲堂

僧滄浩一首

留別嘉興知己

一坐東林寺。從來未下山。不因尋長者。無事到人間。宿雨愁爲客。寒禽散未還。空懷舊山月。童子誦經閑。

僧皎然二首

鈍吟云大手

自然不同

訓崔御史見贈

買得東山後。逢君小隱時。五湖遊未足。柏樹跡如遺。儒服何妨道。禪心不廢詩。一從居士說。長破小乖疑。

尋陸鴻漸不遇

移家雖帶郭。野徑入桑麻。近種籬邊菊。秋來未著花。叩門無犬吠。欲去問西家。報道山中出。歸來每日斜。

僧無本二首

行次漢上

習家池沼草萋萋。嵐樹光中信馬蹄。漢主廟前湘水碧。一聲風角夕陽低。

馬嵬

長川幾處樹青青。孤驛危樓對翠屏。一自上皇惆悵後。至今來往馬蹄腥。

才調集卷第九



